

NOTES.

propter dictam oppositionem, non debeant ad manum nostram res prædictæ, plures ad dictos fines, juris & facti proponendo rationes, protestando tamen in casu quo ad manum nostram ponantur, propter oppositionem factam per eundem, de proponendo suis rationes, quare sibi fieri deberet recedentia de prædictis, dicto durante debate. Omnibus partibus hinc inde auditis, in hiis que dicere & proponere voluerunt. Dictum fuit per arrestum, quod manus nostra, ut superior, in dictis villis & castro de Brageriaco, & ejus pertinentibus, propter oppositionem partium

ad manum nostram ponetur. Et eo ad manum nostram posuit, & sub dicta manu tenebitur, dicta lite durante, facient dictæ partes, super oppositione & debate prædictis, facta sua, & super hiis inquiretur veritas & fiet jus. Dictum etiam fuit, quod super recedentia, quam qualibet dictarum partium petit sibi fieri, audientur, & fiet jus. Et quod dabitur certus Commissarius, qui dictas res contentiosas, propter debitum prædictum, sub manu nostra tenebit realiter & de facto, quousque super recedentia facienda ipsis partibus super hoc auditis, per Curiam nostram fuerit ordinatum. Decima tertia die Julii anno trigesimo quinto.

(a) Lettres par lesquelles le Roy ordonne au Seneschal de Beaucaire & de Nismes, de faire crier & publier, que les gros Deniers blancs que l'on fabriquoit alors, fussent pris pour huit deniers tournois. Les Doubles tournois & les Deniers d'or à l'escu, pour le prix fixé par les Ordonnances precedentes.

JEAN I.^{er}

& selon d'autres, Jean II.
à Paris le 18.
Novembre
1353.

JEHAN par la grace de Dieu Roy de France, au Seneschal de Beaucaire & de Nismes, ou à son Lieutenant, Salut. Comme par nos derrenieres Ordenances faictes sur le cours de nos Monnoyes Nous avons *Ordenné & Deffendu* expressement à toiz, que nulz de quelque condition, ou estat qu'il soient, sur peine de *corps & d'avoir*, ne soient si hardys de prendre, ou mettre aucune monnoye d'or ou d'argent quelle que elle soit, excepté les *Deniers d'or à l'Escu, & Doubles tournois, que nous faisons faire à present*, & pour le pris que Nous leur avons *Ordenné & non pour plus*. Et depuis ce Nous avons entendu, & sommes plainement enfourmez, que le commun Peuple de nôtre Royaume, a très grant necessité de monnoye, & de payement, laquelle chose est & pourroit estre moult grandement, ou domaige & préjudice de *Nous & de nôtre commun Peuple*, se sur ce n'estoit pourveu de remede. *Savoir faisons*, que Nous en consideration aux choses dessusdites, par *bonne & grant deliberation de notre Conseil*, avons *Ordenné* estre fait par toutes nos Monnoyes, *gros Deniers blancz*, aux quiex nous avons donné & donnons *cours par ces presentes, pour Huit Deniers tournois* la piece, & non pour plus. Si vous *Mandons & Enjoignons* estroitement, que par tous les lieux notables & accoustumez en vôtre dite Seneschaulcée & ressort d'icelle vous faciez *crier & publier* sollempnement, que *iceus gros Deniers blancz*, que Nous faisons à present, comme dit est, *soient prins & mis pour Huit Deniers tournois la piece, & non pour plus; & aussi les Doubles tournois, & Deniers d'or à l'Escu*, auxquiex par nosdites Ordenances, Nous avons donné cours, soient prins & mis pour le pris & cours, que *Nous avons Ordenné & donné* par nosdites Ordenances, & non pour plus, en faisant icelles publier derechief sollempnement, tenir & garder d'un chascun, sans enfreindre selon leur teneur, & en faisant punicion de tous ceus que vous pourrez savoir & trouver faisanz, ou avoir fait le contraire d'icelles nosdites Ordenances, par la maniere que contenu est en icelles, sachans pour certain que, se de ce faire, vous pouvez estre trouvez remis, ou negligens, Nous nous en prendrons du tout à vous. *Donné à Paris le dix-huitième jour de Novembre, l'an de grace mil trois cent cinquante-trois*, sous le scel de nôtre Chastelet de Paris en l'absence du grant. Par le Conseil, CHAPPELLÉ.

NOTES.

(a) Ces Lettres sont en original au Tresor des Chartes à Paris.